



BAGAMOYO LEO!

Jarida la Halmashauri ya Wilaya ya Bagamoyo linaloelezea Utekelezaji wa Miradi ya Elimu na Afya iliyofanywa na Serikali ya awamu ya 05, Mwaka 2016-2020 katika Halmashauri ya Wilaya ya Bagamoyo.



Duka Jipya la Dawa la Jamii lililojengwa katika Hospitali ya Wilaya ya Bagamoyo Mwaka 2019.

SERA YA UHARIRI

Jarida hili limelenga kuhabarisha umma juu ya shughuli mbalimbali za Serikali zinazotekelezwa katika Halmashauri ya Wilaya ya

Bagamoyo. Jarida hili pia linafafanua sera na mipango mbalimbali ya Serikali ndani ya Halmashauri hususani utekelezaji wa miradi ya

maendeleo ya sekta zote. Habari na taarifa zote zilizoandikwa katika jarida hili ni mali ya Halmashauri na zinaruhusi-

BODI YA UHARIRI

- ♦ FATUMA O. LATU
- ♦ NURDIN NDIRIMBE
- ♦ VERONICA LUHAGA

MAWASILIANO

SLP 59, BAGAMOYO

SIMU:

023-2440164

NUKUSHI:

023-2440338

BARUA PEPE:

ded.bagamoyo@pwani.go.tz

TOVUTI:

www.bagamoyodc.go.tz

UJUMBE WA MKURUGENZI MTENDAJI



**Ms. Fatuma Omari Latu
Mkurugenzi Mtendaji
Halmashauri ya Wilaya — Bagamoyo**

Sisi kama Halmashauri ya Wilaya ya Bagamoyo, tumejipanga kuhakikisha tunatekeleza sera mbalimbali za Serikali, kuzitafsiri kwa Wananchi na kuwahudumia Wananchi wote kwa kusimamia na kutekeleza Shughuli zote za Serikali zenye lengo la kuondoa kero kwa Wananchi na kuifanya Bagamoyo kuwa mahali salama na penye huduma zote muhimu za kijamii kwa Wananchi wote.

Jarida hili litakupa taarifa zote muhimu za utekelezaji wa shughuli na miradi yote ya Serikali iliyotekelezwa ndani ya Halmashauri ya Wilaya ya Bagamoyo.

*Unaweza kupakua jarida hili kwenye tovuti yetu ambayo ni
www.bagamoyodc.go.tz*

BARAZA LA WAHESHIMIWA MADIWANI



Mhe. Shukuru Kawambwa
Mbunge Jimbo la Bagamoyo



Mhe. Alii Alii Issa—Mwenyekiti
Halmashauri ya Wilaya ya Bagamoyo



Mhe. Mohamed Usinga
M/Mwenyekiti H/W Bagamoyo



Mhe. Awesu Ramadhani
Diwani Kata ya Kisutu



Mhe. Abdul Pyalla
Diwani Kata ya Nja njema



Mhe. Hapsa Kilingo
Diwani Viti maalum—Mwambao



Mhe. Paul Kabile
Diwani Kata ya Makurunge



Mhe. Dickson Makamba
Diwani Kata ya Dunda



Mhe. Shumina Rashid
Diwani Viti Maalum - Dunda



Mhe. Ibrahim Mbonde
Diwani Kata ya Mapinga



Mhe. Togo O. Hega
Diwani Viti maalum—Kerge



Mhe. Said Ngatipura
Diwani Kata ya Kerege



Mhe. Mwanakhamis Jarufu
Diwani Kata ya Magomeni



Mhe. Hassan Usinga
Diwani Kata ya Kifomo



Mhe. Elizabeth Shija
Diwani Viti maalum—Yombo



Mhe. Mohamed Mwinyigogo
Diwani Kata ya Zinga

DIBAJI

Katika kipindi cha Miaka minne ya Uongozi wa Mhe. Rais John Pombe Joseph Magufuli, Bagamoyo chini ya uongozi mahiri wa Mkurugenzi Mtendaji, Bi. Fatuma O. Latu, imepiga hatua kubwa ya maendeleo baada ya Serikali kutekeleza miradi mikubwa ya maendeleo iliyotatua kero za Wananchi kwa kiasi kikubwa kama si kuzimaliza kabisa.

Miradi hii ya maendeleo imetekelezwa katika Sekta za Afya, Elimu, Maji, Kilimo,

Mifugo na Uvuvi, na Maendeleo ya jamii ambapo, imeibadilisha kabisa Bagamoyo ya sasa kwani, imesogeza huduma za Kijamii karibu na Wananchi na kutatua kero zilizokuwa zikisumbua Wananchi kwa muda mrefu.

Bi. Fatuma O. Latu, ambaye ni Mkurugenzi Mtendaji wa Halmashauri ya Wilaya ya Bagamoyo, aliteuliwa na Mhe. Rais wa Jamhuri ya Muungano wa Tanzania,

Dkt. John Pombe Joseph Magufuli kuwa Mkurugenzi Mtendaji wa Halmashauri ya Wilaya ya Bagamoyo mnamo Mwezi Septemba, 2016 na katika kipindi cha uongozi wake kama Mkurugenzi Mtendaji wa Halmashauri hii, amesimamia utekelezaji wa miradi mikubwa ya maendeleo yenye tija, iliyotekelezwa na Serikali katika Halmashauri ya Wilaya ya Bagamoyo, Miradi hii ililenga kuondoa kero za Wananchi na kuwaletea wana Bagamoyo maendeleo chanya.

HISTORIA FUPI YA BAGAMOYO

Halmashauri ya Wilaya ya Bagamoyo ni moja kati ya Halmashauri **9** katika Wilaya **7** za Mkoa wa Pwani ambayo ilianzishwa mwaka **1962**, ikiundwa na Tarafa **2**, Kata **11**, Vijiji **8** na Vitongoji **174**. Halmashauri ya Wilaya ya Bagamoyo inakadiriwa kuwa na wakazi wapatao **109,633**, Aidha, Halmashauri ya Wilaya ya Bagamoyo ipo katika ukanda wa Pwani ikiwa na ukubwa wa Kilomita za Mraba **945**, Makao makuu ya Halmashauri ya kiwa Bagamoyo mjini, Mji maarufu wenye historia ya kipekee ya mali kale za ma-

jengo ya zamani na historia ya biashara ya watumwa. Kijiografia, Mji wa Bagamoyo upo umbali wa kilomita **65** kaskazini ya jiji la Dar es Salaam, ambapo hali ya hewa ya Mji wa Bagamoyo ni yakitropiki, yenye joto la kadri. Kiwango cha juu cha joto ni nyuzi joto **30°C** na kiwango cha chini ni nyuzi joto **13°C**. Halikadharika, Halmashauri inapata mvua kiasi cha wastani wa **mm 800 - mm1200** kwa Mwaka.

Shughuli kuu za kiuchumi zinazotegemewa na Wananchi wa Bagamoyo ni Uvuvi, Kili-

mo, Utalii, Uchimbaji Madini, Ufugaji pia shughuli za biashara na viwanda.

SEKTA YA AFYA

Kabla Wilaya ya Bagamoyo haijagawanywa katika Halmashauri mbili, yaani Halmashauri ya Chalinze na Halmashauri ya Wilaya ya Bagamoyo, Wilaya ilikuwa na vituo vinne vya Afya katika Kata ya Chalinze, Lugoba, Miono na Mbewe.

Baada ya mgawanyo, Halmashauri ya Wilaya ya Bagamoyo haikuwa na Kituo cha Afya hata kimoja, kwani vituo vyote vinne vya Afya vilibaki katika Halmashauri ya Chalinze Kiutawala.

Kadhalika, Hospitali ya Wilaya ya Bagamoyo ilibaki katika Halmashauri ya Wilaya ya Bagamoyo, na kwakuwa hakukuwa na kituo cha Afya hata kimoja, hali hii ilipelekea utoaji huduma katika Hospitali ya Wilaya kuwa mgumu kutokana na kuzidiwa na msongamano wa wagonjwa, toka katika Kata zote 11 za Halmashauri ya Wilaya ya Bagamoyo.

Sekta ya Afya katika kipindi cha miaka minne ya Uongozi wa Mhe Rais. Dkt. John Pombe Joseph Magufuli imepiga hatua kubwa ya mafanikio kwa kuondoa kero na changamoto za kukosa huduma bora na za uhakika za Afya, hasa Afya ya Mama na mtoto karibu na Wananchi.

Wananchi walilazimika kufuata huduma hii mbali na maeneo wanayoishi, hali iliyopelekea wakina mama wengi kupoteza maisha wakati wa Kujifungua, kwa kujifungulia majumbani na kukosa huduma za wataalamu wa Afya, ama kwa kujifungulia njiani wakiwa wanafuata huduma za Afya mbali na maeneo wanayoishi.

Mwaka **2017**, Mwezi Julai, Halmashauri ilipokea kiasi cha Shilingi **Milioni 500** kutoka Serikali Kuu, kupitia

Wizara ya Nchi, Ofisi ya Rais, Tawala za Mikoa na Serikali za Mitaa (TAMISEMI), ambazo zilizielekezwa katika Ujenzi wa Kituo kipya cha Afya Kerege, kilichopo Kata ya kerege, Wilayani Bagamoyo.

UTEKELEZAJI WA MRADI

tarehe **15/01/2018** ambapo ulitekelezwa kwa njia ya **'force account'**, huku lengo kuu la mradi likiwa ni Uboreshaji vituo vya Afya Nchini na kuvifanya kuwa vyenye ufanisi.

Majengo ya kipaumbele katika mradi huu yalikuwa,
Jengo la upasuaji;
Jengo la wazazi;
Nyumba ya Mtumishi;
Jengo la maabara.



Mwonekano wa nje wa Kituo cha Afya Kerege

SEKTA YA AFYA

Hadi kukamilika kwa mradi huu, kulikuwa na nyongeza ya majengo 6 ambayo ni Jengo la kuhifadhi maiti (mortuary), Jengo la kufulia (laundry), Jengo la kuchomea taka (incinerator), Jengo la kupokelea umeme (power house), Mnara (tanki lita 10000) wenye choo na stoo na Mnara (tanki lita 3000) wenye choo tundu moja.

Majengo haya yote 6 ya nyongeza yalijengwa kwa kutumia fedha zilizopokelewa awali yaani Shilingi Milioni 500 toka Serikali kuu na Mchango toka Halmashauri ya Wilaya ya Bagamoyo Shilingi **Milioni 44** toka katika vyanzo vyake vya mapato ya ndani. Kukamilika kwa Kituo cha Afya Kerege kumesaidia Wananchi takribani **7114** wa Kata ya Kerege na Kata jirani, ambapo huduma zote muhimu za Afya zinapatikana katika Kituo hicho.

Lengo la Serikali ni kuhakikisha Afya ya Mama na Mtoto inabaki salama, hasa wakati wa kujifungua na huduma hiyo kupatikana karibu na Wananchi ili kuepuka vifo vinavyoweza kutokea wakati wa kujifungua.

MAFANIKIO YA MRADI

Kituo cha Afya Kerege ambacho kimejitosheleza kimiundombinu, wataalamu wa Afya na vifaa tiba, kilianza kutoa huduma rasmi Mwezi **Oktoba 2018** na hadi sasa jumla ya kinamama 941 wamejifungua salama Kituoni hapo, ambapo wakina mama 89 walijifungua kwa njia ya upasuaji.

Aidha, Serikali ilipeleka vifaa tiba toka Mamlaka ya Dawa (MSD) ambavyo vimekuwa chachu ya ufanikiwaji wa mradi huu katika kutoa huduma bora kwa Wananchi.



Wanafunzi wa Shule ya Sekondari Baobab wakipata maelekezo ya ubora wa chumba cha upasuaji, walipotembelea Kituo cha Afya Kerege kujionea kwa macho na kuunga mkono juhudi za Serikali ya Awamu ya tano iliyofadhili ujenzi wa Kituo hiki, ambapo walitoa jumla ya magodoro 30 kwenye wodi ya Wanawake.

SEKTA YA AFYA

Mkurugenzi Mtendaji Bi. Fatuma O. Latu akizungumzia mafanikio ya mradi huu anasema;

“Utekelezaji wa mradi wa ujenzi wa Kituo cha Afya Kerege ulikuwa ni wa mafanikio makubwa kwani kituo hiki kilishika nafasi ya kwanza kwa ubora Kitaifa kati ya Vituo vya Afya vilivyojengwa na fedha kutoka Serikali kuu katika Mwaka wa fedha 2017/2018”.

Anaongeza, Ufanisi wa utekelezaji wa mradi wa Kituo cha Afya Kerege, ulipelekea Halmashauri ya Wilaya ya Bagamoyo kuongezewa fedha kiasi cha Shilingi **Milioni 400** toka Serikali kuu, kupitia Wizara ya Nchi, Ofisi ya Rais TAMISEMI, fedha zilizoelekezwa katika utekelezaji wa ujenzi wa Kituo cha Pili kipya cha Afya Matimbwa

HUDUMA ZIKIENDELEA KUTOLEWA KATIKA KITUO CHA AFYA KEREGE



Mkurugenzi Mtendaji wa Halmashauri ya Wilaya ya Bagamoyo, Bi. Fatuma O. Latu akifurahia huduma ya maabara katika kituo cha Afya Kerege



Mama aliyejifungua katika Kiuo cha Afya Kerege akifurahia huduma kituoni hapo baada ya kujifungua salama.

UJENZI WA KITUO CHA AFYA MATIMBWA

UTEKELEZAJI WA MRADI

Ujenzi wa kituo cha Afya Matimbwa umelenga kuboresha huduma za Afya za kina, dharura na upasuaji kwa Wakina Mama wawazito wanaopata changamoto wakati wa kujifungua (Comprehensive, emergency, Maternal and Obstetric Care – CeMOC), ambapo huduma za upasuaji wa dharura zimesogezwa karibu na wananchi katika kupunguza vifo vya mama motto wakati wa kujifungua.

Aidha, Kukamilika kwa mradi wa ujenzi wa Kituo cha Afya Matimbwa unatarajia kuwafikia Wananchi wasiopungua **7,590** wa Kata ya Yombo na Kata jirani pamoja na wananchi kutoka Wilaya ya Kibaha Vijijini.

Mradi wa Kituo cha Afya Matimbwa ulianza rasmi tarehe **27** Julai **2018**. Kipaumbele katika utekelezaji wa mradi huu kilikuwa kujenga majengo **4** ambayo ni jengo la wazazi (maternity ward), Jengo la Upasuaji (theater), Nyumba ya Mtumishi, Jengo la Mabarara na miundombinu yake.

Hadi sasa, majengo **4** pamoja na miundombinu yake ya maji, umeme pamoja na mnara wa kuvunia maji yamekamilika.

Miundombinu mingine ilihusisha mashimo **2** ya kuvunia maji na Mnara **1** wa kuweka matanki ya maji.

Hivyo katika mradi huu jumla ya majengo **4** yamekamilika kwa asimilia 100 na miundombinu mingine iliyo-pangwa.

GHARAMA ZA MRADI

Mradi huu hadi sasa ume-gharimu kiasi cha **Tshs. 432,887,750.00** ambapo, Tsh. **400,000,000** ni fedha iliyopokelewa kutoka **OR – TAMISEMI** na **Tshs. 32,887,750** ni mchango wa Halmashauri, nguvu za wananchi na wadau. Mradi huu umetetekezwa kwa njia ya **“Force Account”** kama ilivyoagizwa na **OR – TAMISEMI**.

MWONEKANO WA NJE WA KITUO CHA AFYA MATIMBWA



SEKTA YA AFYA

MAFANIKIO YA MRADI

Mkurugenzi Mtendaji wa Halmashauri ya Wilaya ya Bagamoyo, Bi. Fatuma O. Latu akizungumzia jinsi ambavyo mradi huu unatatua kero za wananchi moja kwa moja anasema **“Wananchi takribani 7590 wa Kata ya Yombo kwa kipindi cha awamu nne zilizopita hawakuwahi kuwa na kituo cha Afya, hivyo ili kupata matibabu ya uhakika iliwalazimu kusafiri umbali wa kilomita 30 kufuata huduma za**

Afya katika Hospitali ya Wilaya ya Bagamoyo, hivyo utekelezaji wa mradi wa Ujenzi wa kituo cha Afya Matimbwa umekuwa ni mkombozi wa Wananchi wa Kata ya Yombo yenye Vijiji 4 na Vitongoji 31 Kwani sasa wanaweza kupata huduma za uhakika za Afya katika Kituo kipya cha Afya Matimbwa ndani ya Kata yao ya Yombo”

Anaongeza, Mradi huu utaipandisha hadhi Zahanati ya Matimbwa kuwa Kituo cha Afya Matimbwa.

Kituo hiki kipya cha Afya Matimbwa tayari kimeanza kutoa huduma kwa Wananchi kwa kutumia vilivyokuwa vikitumika katika Zahanati ya Matimbwa wakati kinasubiri kupokea vifaa tiba vingine muhimu kutoka MSD, hasa vifaa vitakavyotumika katika jengo la upasuaji.

UBORESHAJI MIUNDO MBINU YA AFYA WILAYANI

Bi. Fatuma Latu pia anazungumzia namna walivyoshirikiana na wadau mbalimbali wa Sekta binafsi na mashirika ya dini katika uboreshaji wa Sekta ya Afya Wilayani Bagamoyo.

“Natambua mchango mkubwa wa wadau mbalimbali wa Maendeleo ya Sekta ya Afya, mchango wao na ushirikiano waliotupa kama Halmashauri umeboresha hali ya utoaji huduma katika Hospitali ya Wilaya ya Bagamoyo kwa kujenga na kuboresha miundombinu ya kutolea huduma za Afya.

Taasisi ya Dhi – Nureyin kutoka Saudi Arabia, ambayo kwa hapa Tanzania makao yake makuu yapo Mkoani Iringa, ni moja ya wafadhili wakubwa wa miradi ya maendeleo Wilayani hapa, katika Sekta ya Afya taasisi hii imefadhili ujenzi wa jengo la kupokelea wagonjwa wa dharura na wodi mpya ya wazazi pamoja na kutoa vifaa tiba vyote katika majengo hayo mapya mawili ambayo tayari yameanza kutoa huduma kwa Wanachi wa Bagamoyo.

Katika kipindi cha Miaka minne ya Uongozi wa Mhe. Rais John Pombe Joseph Magufuli, Halmashauri ya Wilaya ya Bagamoyo pia imefanikiwa kuboresha

miundombinu ya Sekta ya Afya, kwa kutekeleza Ujenzi wa miradi mingine kama, Ujenzi wa Zahanati mpya ya Kimalang’ombe iliyopo katika Kata ya Nia Njema, Ujenzi wa nyumba ya Mtumishi katika Zahanati ya Kaole, Ujenzi wa Wodi ya wazazi katika Zahanati ya Mapinga na Uboreshaji pamoja na uanzishwaji wa huduma kwa mara ya kwanza katika Zahanati ya Kitame iliyopo katika Kata ya Makurunge na Zahanati ya Buma iliyopo katika Kata ya Kiromo.

Miradi hii yote imetekelezwa kwa kutumia mapato ya ndani ya Halmashauri kwa kushirikiana na Wadau wa maendeleo na Wananchi wa maeneo husika.

SEKTA YA AFYA

Mkurugenzi Mtendaji Bi. Fatuma O. Latu, akizungumzia miradi mingine iliyotekelezwa katika Halmashauri kwenye Sekta ya Afya anasema, katika kipindi cha Miaka minne ya Uongozi wa Mhe. Rais John Pombe Joseph Magufuli, Halmashauri ya Wilaya ya Bagamoyo pia imefanikiwa kuboresha miundombinu ya Sekta ya Afya, kwa kutekeleza Ujenzi wa miradi mingine kama, Ujenzi wa Zahanati mpya ya Kimalang'ombe iliyopo katika Kata ya Nia Njema, Ujenzi wa nyumba ya Mtumishi katika Zahanati ya Kaole, Ujenzi wa Wodi ya wazazi katika Zahanati ya Mapinga, pamoja na uanzishwaji wa huduma kwa mara ya kwanza katika Zahanati ya Kitame iliyopo katika Kata ya Makurunge na Zahanati ya Buma iliyopo katika Kata ya Kiromo.

Anaongeza, Miradi hii yote imetekelezwa kwa kutumia mapato ya ndani ya Halmashauri kwa kushirikiana na Wadau wa maendeleo na Wananchi wa maeneo husika.

Bi. Fatuma Latu ametumia fursa hiyo pia kuishukuru Serikali na wadau wa maendeleo wa sekta ya Afya waliochangia katika uboreshaji wa Sekta hiyo katika Halmashauri ya Wilaya ya Bagamoyo.

MIRADI YA UJENZI WA ZAHANATI MPYA



Zahanati mpya ya Buma iliyoanza kufanya kazi Mwaka 2019 inayohudumia jumla ya wakazi 1500 wa Kitongoji cha Buma na vitongoji jirani



Zahanati mpya ya Kitame iliyoanza kufanya kazi katika kitongoji cha Kitame Mwaka 2019 na kumaliza kero ya Wananchi 560 kufuata huduma za Afya umbali KM 30

SEKTA YA ELIMU MSINGI

Halmashauri ya Wilaya ya Bagamoyo tunajivunia utoaji wa huduma bora za elimu Msingi na Sekondari kwani kwa miaka mitatu mfululizo, Halmashauri imefanikiwa kufaulisha vizuri wanafunzi wa darasa la saba, kidato cha nne na kidato cha sita na kushika nafasi za juu kitaifa.

SEKTA YA ELIMU MSINGI

Sekta hii pamoja na mambo mengine, ina jukumu kubwa la kusimamia uendeshaji wa Elimu ya Awali, Msingi, Ufundi Stadi na Elimu ya Watu Wazima.

Ufanisi katika sekta ya elimu Msingi kwa kiasi kikubwa unategemea upatikanaji wa


Takwimu Sahihi za wanafunzi, Walimu, Miundombinu na viashiria vya elimu. Upatikanaji wa Takwimu sahihi umeiwezesha Halmashauri ya Wilaya ya Bagamoyo kupiga hatua kubwa za maendeleo ikiwa ni pamoja na kuhakikisha watoto wote wenye umri wa kuanza shule wanaandikishwa na kuhitimu darasa la VII, hili likienda sambamba na uongezaji wa vyumba vya madarasa pamoja na miundombinu yake.

Kuhakikisha elimu bora inatolewa kwa watoto itakayoweza kufaulu elimu ya msingi kwa asilimia **(100%)** kisha kujiunga na elimu ya Sekondari.

IDADI YA SHULE ZA MSINGI ZILIZOPO, WANAFUNZI NA WALIMU.

Halmashauri ya Wilaya ya Bagamoyo ina jumla ya shule za Msingi **51** kati ya shule hizo **34** ni za Serikali na Shule **17** binafsi na taasisi za dini.

Shule za Serikali zina jumla ya wanafunzi **29027** wakiwemo wavulana **14441** na wasichana **14586**. Pia shule za Serikali zina jumla ya Walimu **680** wakiwemo wanaume **180** na wanawake **500**.



Utekelezaji wa mradi wa ujenzi wa vyumba vitatu vya madarasa katika Shule ya Msingi Mtakuja, iliyopo katika Kata ya Fukayosi uliogharimu jumla ya Shilingi Mil. **36,688,066/-** Hadi kukamilika kwake.

SEKTA YA ELIMU SEKONDARI

Sekta ya Elimu Sekondari, katika kipindi cha miaka minne kuanzia 2016/2017 hadi 2018/2019 imefanikiwa kupiga hatua kubwa ya utekelezaji wa kuboresha miundombinu ambayo imeinua kiwango cha elimu ya Sekondari katika Halmashauri ya Wilaya ya Bagamoyo.

Aidha, Halmashauri ya Bagamoyo ina jumla ya Shule za Sekondari **21** zikiwemo Shule za Serikali **09** na za watu binafsi/Taasisi **12** ambapo, Halmashauri ina jumla ya wanafunzi **10,716** kati yao waliopo katika Shule za Serikali ni **5,006** (Wavulana **2,483** na Wasichana **2,523**) na Shule za binafsi/Taasisi ni Wanafunzi **5,710** (Wavulana **2,591** na Wasichana **3,119**).

Idadi ya Walimu katika Shule za Serikali ni **463** ambapo waalimu wa masomo ya Sayansi ni **78** na wa masomo ya Sanaa **385**. Hata hivyo, bado Halmashauri ina upungufu wa walimu wa Masomo ya Sayansi na Hisabati **61**.

ELIMU BILA MALIPO

Mpango wa elimu bila malipo umeanza kutekelezwa ya Awamu ya tano chini ya Rais Dkt. John Pombe Joseph Magufuli tangu mwaka 2016 umekuwa mkombozi wa wanafunzi, wazazi pamoja na walezi ambao awali walikuwa wakis Hindwa kuwapeleka watoto shule kutokana na gharama.

Utekelezaji wa Sera ya Serikali ya elimu bila malipo katika Halmashauri ya Wilaya ya Bagamoyo imekuwa yenye mafanikio makubwa kwa ongezeko la wanafunzi wanaojiunga na kidato cha kwanza, lakini kuondoa utoro kwa wanafunzi Shuleni.

Hulka ya wakazi wa maeneo ya Pwani, hasa mwambao huu wa Bagamoyo wengi wao hawana mwamko wa kupeleka watoto Shule kupata elimu hasa elimu ya Sekondari kwa kuwa wanakuwa wamefikia umri wa kuba-lehe, hivyo wazazi wengi wa ukanda huu hupendelea kuwafanyia mila watoto wao hasa wa Kike kwa kuwacheza ngoma na kisha kuwaozesha katika umri mdogo ambao ungestahili wao kuwa Shuleni wakiendelea kupata elimu ya Sekondari.

Katika kipindi cha miaka minne ya uongozi wa Mhe. Rais John Pombe Joseph Magufuli jumla ya Shilingi

1,131,620,232 zimetolewa na kutumika kama ruzuku kutoka Serikali kuu katika utoaji elimu bila malipo.

IDADI YA MADARASA, MAKTABA, MAABARA, MATUNDU YA VYOO NA MADAWATI

AINA	HITAJI	YALIYOPO	PUNGUFU
MADARASA	192	130	62
MAKTABA	9	2	8
MAABARA	27	8	19
VYOO	308	154	154
MADAWATI	7697	4152	3545

SEKTA YA ELIMU SEKONDARI

SHULE ZA SEKONDARI ZA KATA

Halmashauri ya Wilaya ya Bagamoyo ina jumla ya Kata 11, Halmashauri imefanikiwa kujenga Shule za Sekondari za Kata katika Kata 09. Kati ya Shule hizi 09 za Sekondari za Kata, Shule mbili zimejengwa katika kipindi cha miaka minne ya Uongozi wa Serikali ya awamu ya tano.

Uwepo wa Shule za Sekondari za Kata katika Halmashauri umerahisisha utoaji wa huduma ya elimu ya Sekondari kwa Wananchi wa Bagamoyo hususani wanafunzi wanaojiunga na kidato cha kwanza kila Mwaka.

Halikadhalika, uwepo wa Shule za Sekondari za Kata umeongeza fursa ya kupata elimu

kwa Wanafunzi wa Bagamoyo ambao, hapo awali wengi walikosa fursa ya kuendelea na elimu ya Sekondari mara walipomaliza elimu ya Msingi, kwani Halmashauri ya Wilaya ya Bagamoyo ilikuwa na Shule moja tu ya Sekondari ya Serikali ambayo ni Shule kongwe ya Sekondari Bagamoyo.

“Halmashauri ya Wilaya ya Bagamoyo kwa sasa ina jumla ya Shule 12 za Kata, baada ya jitihada kubwa kufanywa na Wananchi wa Kata ya Mapinga, wadau wa maendeleo ya Sekta ya Elimu kwa kushirikiana na Halmashauri ya Wilaya ya Bagamoyo kutekeleza mradi wa ujenzi wa Shule mpya ya Sekondari Mapinga”

Shule mpya ya Sekondari ya Kata ya Mapinga kwa mara ya kwanza imepokea wanafunzi 320 waliodahiliwa kujiunga na kidato cha kwanza Shuleni hapo, na inatarajiwa kuhudumia wanafunzi kutoka katika Kata ya Mapinga na Kata jirani ya Kerege hivyo kupunguza msongamano mkubwa uliokuwepo awali katika Shule ya Sekondari ya Kata ya Kerege ambayo ilikuwa ikihudumia Wanafunzi kutoka katika Kata ya Kerege na Mapinga kwawakati mmoja.

Mafanikio haya chanya ni juhudi madhubuti zilizofanywa na Wananchi wa Kata ya Mapinga, wadau wa maendeleo katika Kata hiyo na mchango wa Halmashauri kutoka katika ruzuku ya miradi ya maendeleo ya elimu EP4R na mapato ya ndani ya Halmashauri.



Utekelezaji wa mradi wa ujenzi wa shule mpya za Sekondari za Kata katika Kata za Fukayosi na Mapinga, miradi iliyotekelezwa katika kipindi cha miaka minne ya utekelezaji wa Ilani ya Chama cha Mapinduzi Halmashauri ya Wilaya ya Bagamoyo

SEKTA YA ELIMU SEKONDARI

MIRADI ILIYOTEKELEZWA

Halmashauri ya Wilaya ya Bagamoyo katika kipindi cha mwaka 2016/017 hadi 2018/019 imeendelea kufanya vizuri katika sekta ya elimu kwa utoaji wa huduma bora za elimu. **1,303,519,784.67/-** kwa ajili ya kuboresha sekta ya elimu Sekondari, fedha hizi ni pamoja na fedha za mapato ya ndani, fedha za Elimu Bila Malipo na fedha za EP4R.

Katika kufanikisha adhima ya Mhe. Rais wa jamhuri ya Muungano wa Tanzania ya kuhakikisha kila mtanzania anapata elimu bora, Halmashauri imeweza kupokea na kutumia jumla fedha za kitanzania **Tshs. 1,303,519,784.67/-** kwa ajili ya kuboresha sekta ya elimu Sekondari, fedha hizi ni pamoja na fedha za mapato ya ndani, fedha za Elimu Bila Malipo na fedha za EP4R

UJENZI WA MAABARA

Ili kuendana na Sera ya Serikali ya awamu ya tano ya Tanzania ya Viwanda, Halmashauri ya Wilaya ya Bagamoyo inashiriki kuandaa wataalamu wengi wa Sayansi kwa kuhakikisha inajenga maabara katika Shule za Sekondari, zitakazowajengea uwezo Wanafunzi wanaosoma masomo ya Sayansi kwani maabara hizi zinajenga msingi wa ubo-bezi katika fani ya Sayansi, ili Wanafunzi hao waje kushiriki katika kujenga Tanzania ya Viwanda.

Jumla ya maabara 02 zimejengwa katika kipindi cha miaka 04 ya uongozi wa Serikali ya awamu ya tano. Maabara hizi zimejengwa katika Shule ya Sekondari Kingani na Shule ya Sekondari Fukayosi.

Maabara zingine katika Shule 08 za Sekondari za Serikali za Kata zilijengwa na kampuni ya Mzinga Holding Company Ltd. zipo katika hatua za ukamilishaji na Halmashauri vado inahitaji pesa za ukamilishaji wa maabara hizo ili ziweze kutumika na wanafunzi na kuboresha zaidi mazingira ya kujifunza na kujifunzia katika Shule za Sekondari za Kata Wilayani hapa.

Jengo jipya la maabara ya Bailojia na Kemia lililojengwa kwa fedha za EP4R katika Shule ya Sekondari Kingani

Wanafunzi wa kida-to cha tano wa Shule Ya Sekondari Bagamoyo wakiwa kwenye mafunzo kwa vitendo katika maabara ya Fizikia Shuleni hapo



SEKTA YA ELIMU SEKONDARI

UFAULU

Katika kipindi cha cha mwa-ka 2016 hadi 2018, Halmashauri ya Wilaya ya Bagamoyo imekuwa na mwendelezo chanya wa ufauzi wa mitihani ya Taifa kwa kidato cha pili, nne na sita. Matokeo haya yametokana na uboreshaji wa miundombinu katika Shule zote kwa kadri bajeti inavyoruhusu. Matokea haya pia yamekuwa na mchango mkubwa katika kupandisha nafasi ya Mkoa Kitaifa.

MIKAKATI YA KUBORESHA UFAULU

Idara ya Elimu Sekondari katika Halmashauri ya Wilaya ya Bagamoyo imejiwekea mikakati kadha wa kadha ya kuhakikisha ufaulu wa wanafunzi katika Shule za Sekondari kwenye Halmashauri ni wa uhakika.

Baadhi ya mikakati hii ni pamoja na vikao vya wadau wa elimu ngazi ya Wilaya, ambapo wadau hawa wa elimu kutoka katika Shule binafsi na Shule za Serikali hukutana katika vikao maalum kujadili mbinu mbalimbali za kuboresha elimu katika Halmashauri.

Vikao hivi vya kimkakati hukaliwa mara moja kila baada ya miezi mitatu.



Mkuu wa Wilaya ya Bagamoyo Bi. Zainab Kawawa akikabidhi bendera nyeusi kwa Mkuu wa Shule ya Sekondari Fukayosi baada ya Shule hiyo kutofanya vizuri katika matokeo ya kidato cha nne Mwaka 2018, Tukio hili liloifanyika katika siku ya tathmini ya elimu Kiwilaya Aprili 2019.

Mkakati mwingine ni kufanya kikao cha tathmini ya mwenendo wa utoaji huduma za elimu ndani ya Halmashauri ya Wilaya ya Bagamoyo. Katika kikao hiki, wadau mbalimbali wa elimu ndani ya Halmashauri hujadili kiwango cha ufaulu wa wanafunzi kwa mwaka husika, changamoto zilizojitokeza zinazoweza kushusha kiwango cha ufaulu wa wanafunzi na namna ya kukabiliana nazo. Kikao hiki cha tathmini ya elimu hufanyika mara moja kila Mwaka.

Mkakati mwingine unaotekelezwa ni kikao kazi maalum kati ya Wakuu wa Shule za Sekondari katika Halmashauri.

Kikao kazi hiki hufanyika mara moja kila Mwaka kwa wakuu wa Shule za Sekondari binafsi na za Serikali, kikiwa na lengo la kuwanoa wakuu wa Shule juu ya mipango mahsusi ya Halmashauri ya kuboresha elimu, mbinu za kuboresha elimu ya Sekondari ambazo hufundishwa katika kikao hiki, ambapo wakuu hao wa Shule hutakiwa kwenda kuzirithisha kwa walimu walio chini yao katika Shule wanazozisimamia.

SEKTA YA ELIMU SEKONDARI

Mkakati wa tusome pamoja, Idara ya elimu imebuni utaratibu maalum wa walimu kuwasaidia wanafunzi mmoja mmoja, utaratibu uitwao **“tusome pamoja”** katika Halmashauri ya Wilaya ya Bagamoyo. ambapo mwalimu hukaa na mwanafunzi mmoja mmoja na kumsaidia mada ambayo imemtatiza mwanafunzi ili kumjengea uelewa zaidi mwanafunzi huyo wa kuelewa kila mada zinazofundishwa darasani. Utaratibu huu ni msaada mkubwa kwa wanafunzi kwani umeonesha mafanikio makubwa kwa kuongezeka kwa uelewa wa masomo kwa wanafunzi wa Shule za Sekondari.



Mwalimu wa Kemia wa Shule ya Sekondari Bagamoyo, akiwasaidia wanafunzi wake kwa

UFUATILIAJI WA MASUALA YA ELIMU KATIKA WILAYA

Halmashauri ina wataalam wa elimu katika kila Kata ambao ni Maafisa elimu Kata wenye jukumu la kufuatilia shughuli za elimu katika Kata husika, ikiwa ni pamoja na kukabiliana na utoro wa walimu na wanafunzi mashuleni, kutatua changamoto mbalimbali za kielimu pia kusimamia miradi ya maendeleo ya Sekta ya elimu inayotekelezwa katika Kata husika.

Wizara ya elimu na mafunzo ya Ufundi katika kuhakikisha ufuatiliaji huu wa shughuli za elimu katika Halmashauri unakuwa wenye tija, imetoa jumla ya pikipiki 11 kwa waratibu elimu Kata 11 wa Kata 11 za Halmashauri ya Wilaya ya Bagamoyo.



ambazo zimerahisisha suala la ufuatiliaji na zimechochea kwa kiasi kikubwa ari ya waratibu elimu Kata katika kufuatilia na kusimamia shughuli za elimu katika Kata wanazosimamia.



Waratibu elimu Kata 11 wa Kata za Bagamoyo mara baada ya kupokea pikipiki walizopewa msaada na Wizara ya Elimu kwa ajili ya kuwasaidia katika shughuli zao za ufuatiliaji masuala ya elimu kwenye Kata wanazosisimamia

UFAULU ELIMU MSINGI

MW AKA	walioandikishwa			Waliofanya mtiha- ni			%	waliofaulu			Nafasi.	
	W AV	W AS	JM L	W AV	W AS	JM L		W AV	W AS	J M L	M K O A	TAI- FA
2016	898	107 8	197 6	703	841	154 4	7 8	703	841	154 4	2	
2017	113 9	120 9	234 8	925	951	187 6	8 0	925	951	187 6	2	51
2018	132 2	135 6	267 9	116 8	119 5	236 3	8 8	116 8	119 5	236 3	3	29
2019	124 9	132 6	257 5									

UFAULU ELIMU SEKONDARI

Jedwali likionyesha nafasi ya Ufaulu wa Halmashauri Kimkoa na Kitaifa.

MWAKA.	KIDATO CHA PILI			KIDATO CHA NNE		
	IDADI.	NAFASI KIMKOA	KITAIFA.	IDADI	NAFASI KIMKOA	KITAIFA.
2018	2,312	1	1	1,782	1	1
2017	2,074	1	3	1,667	1	1
2016	1986	1	17	1,583	3	35

Pamoja na mikakati mbalimbali ambayo Halmashauri imejiwekea ili kuboresha na kuen-
deleza ufaulu huu, Halmashauri pia imejikita katika uboreshaji wa miundombinu ya ma-
jengo kwa maana ya madarasa, maabara, nyumba za walimu, Ofisi za walimu umeme,
maji na matundu ya vyoo kwa wanafunzi na walimu.

UKARABATI WA SHULE KONGWE YA BAGAMOYO SEKONDARI

Moja ya mradi mkubwa ulioteklezwa na Serikali katika kipindi cha miaka minne ya Uongozi wa Serikali ya awamu ya tano ni uboreshaji wa miundombinu ya Shule kongwe ya Sekondari Bagamoyo ambayo ilikuwa katika hali ya kuchakaa sana kwa kipindi kirefu na kwa namna moja au nyingine kuathiri mazingira ya kujifunzia na kufundishia Shuleni hapo.

Uhitaji mkubwa wa Shule hii ya kwanza ya Sekondari ya Serikali Wilayani Bagamoyo, ulionekana kipindi hicho huku lengo kuu likiwa ni kuwasaidia wanafunzi wa Bagamoyo na wa nje ya Bagamoyo kupata

Shule ya Sekondari ya Bagamoyo ilianzishwa mnamo Mwaka 1970, na jiwe la Msingi liliwekwa mnamo Mwaka 1972 na Mhe. Mfaume Rashid Kawawa, aliyekuwa Waziri Mkuu wa Jamhuri ya Muungano wa Tanzania kwa kipindi hicho.

Shule hii ilianza kama Shule yenye mchepuo wa Kilimo iliyochukua wanafunzi kuanzia kidato cha kwanza hadi cha nne.

Mnamo Mwaka 2003 Shule ya Sekondari ya Bagamoyo, ilibadilishwa kuwa Shule ya Sekondari inayochukua wanafunzi wa

Tathmini ya ukarabati wa Shule hii kongwe ya Bagamoyo, ilifanyika Mwaka 2018, Halmashauri ikapokea fedha toka Serikali kuu kupitia miradi ya EP4R, iliyolenga kutekeleza mradi wa ukarabati wa Shule kongwe Nchini, kupitia Wizara ya elimu.

Jumla ya fedha zilizopokelewa ili kutekeleza mradi huu ilikuwa ni Shilingi 935,257,257/- tarehe 27/04/2019

Utekelezaji wa mradi wa ukarabati wa Shule kongwe ya Sekondari Bagamoyo ulianza mnamo Mwezi Aprili, 2019 na kukamilika Mwezi novemba 2019.

Mradi ulilenga kukarabati majengo ya madarasa, maabara, vyoo, nyumba za walimu, mabweni, Ofisi za walimu, na maktaba na Ukumbi wa mikutano.



Jengo la Bweni la wavulana la Azimio lilivyokuwa likionekana kwa ndani hapo awali kabla ya ukarabati .



Jengo la madarasa liitwalo Jigrafia linavyoonekana mara baada ya ukarabati.



Jengo jipya la Madarasa linavyoonekana baada ya ukarabati katika Shule ya Sekondari Bagamoyo.



Bweni la kwanza Wasichana linavyoonekana baada ya ukarabati katika Shule ya Sekondari Bagamoyo



Bweni la pili la Wasichana linavyoonekana baada ya ukarabati katika Shule ya Sekondari Bagamoyo



Jengo la Bweni la wavulana liitwalo Madaraka jinsi linavyoonekana mara baada ya ukarabati.



Jengo la Bweni liitwalo Mwenge jinsi linavyoonekana baada ya ukarabati katika Shule ya Sekondari



Bweni la kwanza Wasichana linavyoonekana baada ya ukarabati katika Shule ya Sekondari Bagamoyo



Bweni la pili la Wasichana linavyoonekana baada ya ukarabati katika Shule ya Sekondari Bagamoyo